

Lump Sum Grant for
white

891.99
U-25

NOV 20 1916

891.99

W-25 *այ*

ԶԱՐՄԱՆԱԼԻ ՏԵՍԻԼ



1007
32161

ՀԱՄԱՇԽԱՐՀԱՅԻՆ ՊԱՏԵՐԱԶՄԻ ԵՐԿԸ-
ՐՈՐԴ ՏԱՐՈՒՄՅ

ՀԱՅ ԺՈՂՈՎՐԴԱԿԱՆ
ԿՈՄՍՈՒՆԻՏԻՆ
ՍԻՍԱՆՈՂԱԿԱՆ ԵՐԱՆՈՒՄ
ՅՈՒՆԻՒՍԻԵ-ԻՆ

Գրադարան Նկարագրեց
Հա

Գրիգոր առաջ քահանայ Մանդակունի



Թ Ի Յ Լ Ի Ս
Երևանի Հ. Գ. Օրոն Մուգէյսկի պէր. № 8
1916

Ազատուածն ասում է.

«Ես բարկացել էի իմ ժողովրդի վերայ՝ որովհետեւ պղծեցին իմ ժառանգութիւնը. ես նորանց քո ձեռքը մատնեցի և դու նորանց վերայ չարիք ողորմութիւն: Եսայի, ԽԶ. 6»:

«Եւ դորա համար՝ հիմ թագաւոր, թող իմ խրատը քեզ հաճելի երևի. քո մեղքը ողորմութեամբ քաւիւր և քո անօրէնութիւնը չքաւորների վերայ գթալով. որ Աստուած թերեւ երկայնամիտ լինի քո յանցանքի վերայ: Դանիէլ Դ. 24»:

ԶԱՐՄԱՆԱԼԻ ՏԵՍԻԼ

Ներկայ 1916 թուի Յունիսի 6-ի առաւօտեան 10րդ ժամուն բաղձանացս համաձայն «Մշակ», «Հորիզոն» և «Հովիտ» թերթերի համարները շար ի շար դասաւորեցի սեղանիս վերայ, և սկսեցի կարգաւ Տաճկահայերի կոտորածների յօդուածները. և յետոյ երբոր ձեռս ծնութիս դրած դառն մտածողութեամբ նայում էի դէպի հարաւ՝ յանկարծ ինձ երևութացաւ մի զարմանալի տեսիլ:

Որպէս թէ, ես գտնվում էի Պօլիս Օսմանեան մի հրաշալի պալատում, որտեղ մի ընդարձակ դահլիճում ականակուռ ոսկեղէն գահի վերայ բազմած էր Սուլթան Մահմէտ Ե-րդը. նորա դիմաց դէպի ձախ կողմը նստած էին երկու երիտասարդ բարձրաստիճան պաշտօնեաներ. նորանցից մէկը Սուլթանին ասաց «Մի՛ ծափառ Սուլթան. Հայերին արդէն ջնջեցինք՝ այդ ոչինչ, պէտք է Ասորիներին էլ ջնջենք, և միանգամայն բոլոր Քրիստոնեաներին պէտք է աւելինք, սրբենք և մաքրենք մեր խնկարոյր աշխարհիցը»:

«Սուլթանն ասաց «Ձէ, այդ չէ կարելի, որովհետեւ այժմ դորա ժամանակը չէ. թողէք դեռ Հայերի ջնջելու պատասխանատուութիւնից դուրս գանք՝ յետոյ միւս Քրիստոնեաների բնաջնջելու պատճառներ կստեղծենք և ապա կսկսենք այդ ֆնացած հունձն էլ յաջող առաջ տանել. վերջապէս, այն բանը՝ որ մեր ձեռքումն է, այսօր չլինի, թող վաղը լինի»:

Երկրորդ պաշտօնեան վրայ բերեց «Մեծափառ Սուլթան, պէտք չէ ներկայ յարմար ժամանակը ձեռքից բաց թողնենք, քանի որ ջնջելն սկսել ենք՝ պէտք է լրիւ վերջին կէտն էլ հասցնենք. և մեր սիրելի Տաճկաստանում պէտք է չը թողնենք որեւէ Քրիստոնեայ աղվի կենդանի շունչ: Մեծ տէրութիւնների ուժերն

արդէն սպառել են, և այսուհետեւ ո՛վ պէտքէ յանդգնի մեզ պատասխանատուութեան ենթարկել, այդ կողմից միամիտ կացէք, թէ շուտ և թէ ուշ, կովկասն էլ մերն է լինելու»:

Եւ անսխալ միջոցով զահլճի դռներն բացուեցան, ներս մտաւ մի պատկառելի ծերունի հոգևորական. և նոյն ժամուն այն երկու աստիճանաւորներն՝ դուրս գնացին, իսկ ծերունին ողջունելով Սուլթանին՝ նստեց նորա աջ կողմի գահոյքի վերայ: Ծերունու երեսը թէև տխուր էր, սակայն նորա դէմքի վերայ լուսատեսիլ արեգակնային ճառագայթներ էին փայլում, որով յայտնում էին նորա ողույ վեհութիւնը, արդարաւի՛րութիւնը և խղճի մաքրութիւնը, նա՛՛ կարծես թէ, մարդկային կերպարանք առած հրեշտակ լինէր. նորանք մի քանի րօպէ մեռելային լուծեան մէջ ընկըղմած՝ նայում էին դէպի «խաս-բաղջան» յանկարծ երկու Ագուաներ եկան և նստեցին նորանց զիմացի ծառի վերայ և դէպի Սուլթանը սկսեցին շարունակ դա՛. դա՛, ձայնել. Սուլթանը զարմացմամբ սկսեց այն ծերունուն ասել. «Հայր Շէյխուլիսլամ, երանի կը լինէր, մարդ իմանար, թէ ի՞նչ է սորանց ցաւն՝ որ դէպի ինձ շարունակ դա՛. դա՛. դա՛. են ձայնում»: Շէյխուլիսլամը պատասխանեց «Օսմանեան մեծ ազդի Վեհափառ Սուլթան, այդ Ագուաներից մէկը իւր աղջիկ ձագը տուել է կին՝ միւսի տղայ ձագին, հետն էլ քո տէրութեան միջից օփա՛ 40 աւերակ քաղաք. իսկ տղայի ծնող Ագուաւը չի համաձայնում, այլ օփա՛ 40 աւերակ քաղաքի փոխարէն ութսուն է պահանջում, ուստի եկել և աղաչում են լսել քո արդար վճիռը»:

Սուլթանը մելամաղձոտուած ասաց «Եթէ բանն այդպէս է, ես վճռում եմ, որ տղայի մայր Ագուաւը օփա՛ 40 աւերակ քաղաքով բաւականանայ»:

Ագուաները Սուլթանի վճիռը լսելուն պէս՝ զլուխները խոնարհեցրին, թռան և անյայտացան:

Սուլթանը ուղղուելով դէպի Շէյխուլիսլամը՝ ասաց «Եթէ իմ պետութեան մէջ 40 աւերակ քաղաք կայ»:

Շէյխուլիսլամը պատասխանեց «Մեծափառ Սուլթան, երբոր այս մեծածաւալ և ընդարձակ մեծ պետութեան Սուլթանը դու ես, և քո խորհրդականներն այն երիտասարդ փաշաներն են՝ ուղիղն ասում եմ, կարճ ժամանակից յետոյ, չէք ունենալ քո տէրութեան մէջ և ոչ մի շէն քաղաք»:

«Յիշում էք, որ 1909 թուին Մայիսի 2ին երբոր Կիլիկեան Հայոց կրած ջարդերի առիթով Թիւրքահայերի մի պայագամաւորութիւն ներկայացաւ քեզ, որքան յիշում եմ նորանց խնդրքին հետեւալը պատասխանելով. «Շատ իրաւացի են ձեր խօսքերը, ես անմիջապէս հէնց վաղն առաւօտ պիտի կանչեմ մեծ վէպիւրին, որ նկատի առնէ այս խնդիրը, որպէսզի անհրաժեշտ միջոցները ձեռք առնեն այդ առիթով, ի՞նչ են նշանակում այսպիսի ջարդեր, թալան, բռնաբարում: Ինձ համար բնաւ ցանկալի չէր, որ իմ գահակալութեան օրով, այսպիսի տգեղ երեւոյթներ տեղի ունենան: Իմ հպատակների մի կաթիլ արիւնն՝ որ թափուի՝ իմ սրտից կը հոսի: Չէ՞ որ ամբողջ երկիրը մի մարմնի նման է, մի անդամի ցաւը, իհարկէ ամբողջ մարմինը կզգայ: Ես իմ հպատակներին նկատում եմ համահաւասար իրաւունքների տէր: Խիստ ցաւում եմ և միանգամայն զարմանում կատարուած այդ դէպքերի վերայ: Իմ հօր օրով այսպիսի դէպքերի մասին բնաւ չէինք լսում: Մեր դերդաստանի ճարտարապետները, Հայեր էին. ես ճանաչում էի նորանց: Նորանց ձեռքի տակ աշխատաւորների էլ մեծ մասը դարձեալ Հայեր էին: Վարպետներ և այլ բարձրաստիճան և արհեստապետներ նոյնպէս Հայեր էին: Հայերի, Իսլամների մէջ կատարեալ սէր և համերաշխութիւն կար այն ժամանակ: Մի հայրենիքի գաւակներ էին բոլորն էլ: Մենք

խորութիւնն չենք դնում նորանց մէջ: Բայց սա վերջին երեսուն տարուայ ընթացքում ինչ է պատահել, որ այսպիսի փոխուել է ամեն ինչ՝ այդ, ուղիղն ասած, չեմ կարող ըմբռնել: Յոյս ունիմ որ այսուհետեւ չարիքին դարման կը հոգացուի: Ազանայի կոտորածներին հեղինակներն անշուշտ պիտի պատժուին. և կողոպտուած իրեղէնները յետ պիտի դարձուին իրանց տէրերին: Ի՞նչ է սահմանադրութիւնը. ինչ է շարիաթը, դրանք միթէ ժողովրդի բարեկեցութեան ու հաւասարութեան համար չեն: Յանկանում եմ, որ իմ օրով այդ պէս լինի: Ինչպէս որ բարի հայր իր որդւոցը բաղդաւորութիւնն է ցանկանում: Ես էլ կամենում եմ, որ իմ գահակալութեան օրով ամբողջ երկիրը երջանիկ զգայ իրան: Վստահ եղէք, որ ուշագրութեան պիտի աւնուել ձեր խնդիրը:»

Ահա այս սուլթանական ազնիւ խօսքերն ասելուցդ յետոյ է, որ քո արձակած հրովարտակովը, ամբողջ Թուրքահայաստանը ծովացրիր Հայերի անմեղ արիւններով, մերկացրիր նորանց իրանց շքեղ զարդերից, կողոպտեցիր նորանց տները, կրպակները և զիգած թանկագին հարստութիւնները, զրկեցիր նորանց՝ իրանց կեանքի քաղցրութիւնից. հարիւր հազարների՝ հարիւրական իրար հետ կապկըպելով քարաժայռերից անադնդախոր ձորերն ի վայր գլորեցիր, և ուրիշ ուրիշ շատ հարիւր հազարների իրար կապոտելով դրիւր նաւերի մէջ ու տարար ծովերի խորը լցրեցիր, հազարաւոր ծծկեր երեխաներին տոպրակների մէջը լցնելով ծովերի խորքերումը թաղեցիր, հարիւր հազարների ոչխարի պէս մորթեցիր, հազարաւոր քաջաուղջ տղաների՝ իրանց հայրերի առաջ սպանեցիր, հազարաւոր հայրեր՝ իրանց տղաների առաջ սրբիւղ գոհ տուիր, հազարաւոր անրիժ աղջիկներ՝ իրանց ծնողների առաջ անպատուեցիր, հազարաւոր ամօթխած հարսների՝ իրանց ամուսինների առաջ խայտառակեցիր, հազարա-

ւոր գեղեցկուհիների հասցրիր յուսահատութեան այն աստիճանին՝ որ իրանք իրանց վարար գետերի ջրերին կեր ու կուլ տուին. լաւ համարեցան ջրահեղձ լինիլ՝ քան քո բորենի զինուորների պիղծ քաղցերին յագեցումն. հազարաւոր հրաշալի չքնադագեղներին՝ բռնի հարեմները լցրեցիր, և քանի քանի հազարների և հարիւր հազարների խայտառակութիւններով սրիկաների տներում ցիր ու ցան արիր. և կէս միլիօնից աւելի դժբաղդների՝ անօրինակ տանջանքներով գէպի հեռաւոր զօրխալայր անապատները գերի վարեցիր, և այսպէս մի ամբողջ աշխարհ իւր բնիկ Հայ ժողովրդով բնաջինջ արիր. մինչև անգամ չը խնայեցիր Աստուծոյ տաճար՝ ոչ եկեղեցիներին և ոչ եկեղեցականների զանազան աստիճանի պատկառելի պաշտօնեաներին, այլ բոլորին դառն տանջանքներով սրերի բերան տուիր, և անհայտապէս աւերակ գիւղերի և քաղաքների թիւն աւելացնելով Ագուաների բնակութիւնները շատացրիր, որով բարեպաշտ Իսլամների երեսներին սե քօղ ծածկեցիր, որոնք ամաչում են կանգնիլ մի Եւրոպացու առաջ և ասել, թէ ես պատկանում եմ այն բարբարոս ցեղին՝ որոնք աշխարհիս մէջ մի ամբողջ ժողովուրդ գուր իզուր տեղը բնաջինջ արին:

Ո՛վ մեծափառ Սուլթան, դու չը վախեցար Ալլաիցը, չը վախեցար մեր մեծ մարգարէ Մուհամմէտիցը, որ Ղուրանի 5-րդ սուրէթի 85 այէումն ասում է. «Հաւատացեալներին ամենամօտիկ սիրողները նորանք են՝ որ ասում են. մենք քրիստոնեայ ենք» ուրեմն դու ինչպէս վստահացար միլիօնից աւելի Հայ քրիստոնեաների կարմիր արիւններովը ներկել Հայաստանի քաղաքներն ու աւանները. և նորանց դիպկներով լցնել դաշտերն ու ձորերը: Ղուրանի 7. սուրէթի 61 այէումն ասում է. «Ձեզ յանձնուած բաները՝ իրանց տէրերին յետ դարձրէք»: Այլ հրամայում է «Ձերեղացնել արդար, ազնիւ և խաղաղասէր մարդկանց՝ ինչ

հաւատ էլ որ դաւանում լինին նորանք, այլ պաշտպանել նորանց անօրէնների կամայականութեան և բռնութեանց դէմ և պահպանել նորանց՝ իբր Ալլահի պահ տուած մարդկանց: Մեծափառ Սուլթան, եթէ ծառաներիցդ մէկին՝ չեմ ասում տասը կենդանի մարդ, այլ 10ը ոչխար յանձնէիր պահելու, իսկ նա մի քանի օրից յետոյ տասսին էլ՝ որն սպանած և որը խեղդած քեզ յետ դարձնէր՝ նորան միթէ չէի՞ր պատժել, իսկ այժմ, Դու՝ որ Ալլահի քեզ յանձնածներին, որ այդպէս տարօրինակ խայտառակութիւններով յետ իրան Ալլահին դարձրիր, Դու այժմ քո երիտասարդ խորհրդականներովը նորա հրաբորբոք բարկութեան առաջ ինչ էք պատասխանելու, դուք չէք կարող ոչ մի կերպ Ձեզ արդարացնել, եթէ ասէք, Հայերը մեզ հաւատարիմ չեն, մեր երկրում մեր դէմ գինովում են, դորանք փաստեր չեն, դորանք ստայօդ պատճառաբանութիւններ են, եթէ Հայերից մի քանիսը ապստամբութեան մի որևէ նշան ցոյց տուած լինէին՝ դորա պատճառն էլ Ձեզանից պէտք է առաջ եկած լինէր, եթէ Դուք Ձեր խոստման համաձայն նորանց լաւ պահած լինէիք, նորանք երբէք Ձեզանից չէին զզուիլ, չէին ուզել Ձեզ անհաւատարիմ գտնուիլ, Ձեզանից հեռանալ և Ձեր ձեռքիցն ազատուիլ: Հայերն ինչո՞ւ Ձեր պապերի օրերում հաւատարիմ էին, իսկ այժմ հակառակն էք պընդում. Հայերը՝ Ֆաթի—Մէհմէտ սուլթանի օրերից մինչև Սուլթան Ապտիւլ մէջիդ Ազիզը եղել են Օսմանեան Սուլթանների ամենահաւատարիմ հպատակները:

Հայերիցն են եղել Սուլթանների խորհրդականները, բժիշկները, ճարտարապետները, վառողապետները, դանձապետները, վաճառապետները. Հայերի ձեռքն է եղել այլև պատասխանատու պաշտօնների մեծագոյն մասը: Ե՞րբ է տեսնուել մի գեղձմուկ և կամ որ և է կասկած Հայերի վերայ:

Յիշեցէք այլև և այն՝ որ Սուլթան Մուրատի օ-

րովը՝ եթէ Յարութիւն Ամիրայ Պեղճեանի կերպ կերպ հաւատարիմ ծառայութիւնները չը լինէին՝ այն օրուանից Պօլիսը դարձած կը լինէր Ռուսիոյ մեծ Գահակալի կայսերանիստ մայրաքաղաքը:

Արդ, այժմ ինչ եղաւ, ինչո՞ւ Սուլթան Համիտը և Դու, Դո խորհրդականներովն այդ շատ պիտանացու և հաւատարիմ ազգին միանգամայն աչքից ձգեցիք և աներեւակայելի, դառն և ամօթալի տանջանքներով ու ջարդերով բնաջինջ արիք:

Ո՛վ մեծափառ Սուլթան, հաւատացէ՛ք, որ ինձ հետ դառն արտասուք թափելով ողբում են բոլոր հասկացող և բարեպաշտ Մուսուլմանները, որովհետև հաւատում են՝ որ Դուք Հայերին ինչ անօրինակ տանջանքներով՝ որ բնաջինջ արիք, նոյն օրինակ տանջանքներով բնաջնջումն պատրաստեցիք Օսմանեան փառապանձ ազգի որդւոցը համար, գլուխների փոխարէնը՝ գըլուխներ, աչքերի փոխարէնը՝ աչքեր, ատամների փոխարէնը՝ ատամներ, և այսպէս Դո դորձած բոլոր տանջանքների փոխարէնը՝ տանջանքներ և բնաջնջումն, որովհետև Ալլահը արդարադատ է, որորհետև ով որ ինչ չափով ուրիշին չափէ՝ Ալլահն էլ նոյն չափովը նորան էլ չափէ. Ալլահը չի թողնել մի աւաղի չափ յանցանքը՝ առանց ուշադրութեան. անձ հէնց այս ցաւն է՝ որ իմ և բոլոր բարի Իսլամների սրտերը խոցողած՝ մեզ ևս սուպի է նստեցրել:

Ո՛վ մեծափառ Սուլթան, հաւատաւ իմացիր, որ այս բոլոր անցքերը մանրամասնօրէն գրուելու են համախաբհային պատմութեանց մէջ, յաւիտենական նախատինք Օսմանեան մեծազօր ազգին. ուստի շտապիր այս մեծ նախատինքի փոխարէնը անել՝ Դո իսկ հրամանովը մարտիրոսացրած Հայոց ազգի մնացորդներին մի այնպիսի մեծ, ծանրագին և բոլորովին չտեսնուած ու չը լսուած բարութիւններով լի ու գեղուն շնորհ, որ

աշխարհի ազգերին զարմացնող պարծանք չբոլմէ Օսմանեան մեծ ազգի ճակատինս:

Շէյխուլիսլամն այս ասելուց յետոյ՝ սկսեց ողբաձայն լալ, Սուլթանն էլ լացեց: Եւ այս իսկ ժամուն տեսայ, որ անա բոլոր բարի Մուսուլմանները լուսաւոր թեւեր առած ժողովուեցան Սուլթանի շուրջը և սկսեցին հառաչելով աղաղակել Ալլան, Ալլան, Ալլան, Դու ճվ մեծափառ Սուլթան, շտապիր, շտապիր անել մի ծանրագին շնորհ. մեր ազգի ձեռքով մարտիրոսացը՝ բաժնի Հայ ազգի ֆնացորդներին և նորանց հարիւր հազարից աւելի ցիր ու ցան արած որբերին, որով կարողանաս սրբել այն զաղրալի արատը՝ Քո պանծալի գահոյքիցը, և զգուսի նախատինքը մեր երեսիցը:

Տեսայ ճիշդ, հէնց այս բալէին ներս մտաւ ամենայն Հայոց Գէորգ Ե-րդ սրբազնագոյն Վեհափառ կաթողիկոսը, վարդապոյն ճառագայթներով լուսալուռած՝ բայց տխուր դէմքով, պարթե հասակով, սպիտակ ու փառանկ մօրուքով, սև քօղաւորուած զգեստով, նոյն ժամուն բոլորն ոտքի կանգնեցին, իսկ Սրբազնագոյն Վեհափառ Հայրապետը առջ եկաւ, գլուխ խոնարհեց, ձեռն առաւ Սուլթանի, համբուրուեց Շէյխուլիսլամի հետ, ողջունեց բարի Մուսլիմաններին, և ապա կանգնելով Սուլթանի գիմացը սկսեց հեղեղալ և լալով ասել. «Ո՛վ մեծափառ Սուլթան, շրջեցի ամբողջ Հայ բնակչութիւնները, տեսայ բոլորը դատարկ, շրջեցի ամբողջ Տաճկահայաստանը՝ տեսայ վանքերս ու եկեղեցիներս դատարկուած, Հայ վաճառատունները դատարկուած, արհեստանոցները՝ դատարկուած, գեղեցկաշէն տներից՝ որոնք քանդուած և որոնք այրուած, տեսայ բոլոր կողմերում ալանդակութիւն, դատարկութիւն, լռութիւն, և սև սուգի աղջամղջային խաւար:

Ո՛վ Սուլթան, հար ես իմ Պատրիարքները, Առաջնորդները և վարդապետները, հար ես իմ բահանները

և Աստուծոյ տաճարներումը փառաբանող երգեցիկ սարկաւազներն ու քաղցրանուագ տիրացուները, հար ես իմ ուսումնարանների ուսուցիչները և ուսանողները:

Ո՛վ Սուլթան, հար ես իմ որդիները, հար ես իմ Հայ զաւակները, հար ես իմ սիրելի Հայ ժողովուրդները, հար ես հար:

Ո՛վ Սուլթան, իմ որդուցը կորստեան համար՝ ես իմ դիմեմ, համ հարցնեմ, հար որոնեմ, համ անհանգստացնեմ, համ բողբոքեմ իմ, եթէ ոչ Քեզ՝ հի իմ ամենաբարձրեալ Աստուած՝ Քեզ եւ բողբոքում Քեզ՝ բազկատարած ձեռքերով, արտասուալի աչքերով Քեզ եւմ դիմում, Քեզ եւմ բողբոքում, ճվ Գրիգորների և ներսէսների Աստուած, հար ես իմ սիրելի Հայ զաւակները, հար...

Այս դառն ողբաձայն բողբոքի խոցոտող ձայնիցը Սուլթանը, Շէյխուլիսլամը և բարեպաշտ Իսլամները սկսեցին բոլորն էլ իմիասին բարձրաձայն լալ ու ողբալ, որից իմ սիրտն էլ սկսեց փղձկել և աչքերիցս յորդեցին արտասուքների աղբիւրներ, այսու ամենայնիւ շուտով արտասուքներս սրբելուց յետոյ՝ երբոր սկսեցի կրկին լարուած ուշադրութեամբ նայել՝ տեսիլն յանկարծ անյայտացաւ:

Համաշխարհային պատերազմը եւ Հայերի ջնջումն
 Վիլհելմից, կայծ ելաւ, հրդեհեց, ողջ աշխարհ,
 Երկիրը սարսափեց պաշարեց խոր խաւար,
 Ծովերն եռացին գետերն յորդեցին,
 Ազգերի արիւնով դաշտ ու ձոր ներկուեցին:
 Մեծերից մեծագոյն չորս Պետերն աշխարհի,
 Կանգնեցին պաշտպաններ զլորուած ազգերի,
 Տարերքի ուժերը իրար հետ խառնեցին,
 Վիլհելմի յոյսերը սե ու մութ դարձրին:
 Վեր կացան տեղերից Թուրքերից վատերը,
 Քանդեցին Հայերի գեղեցիկ շէնքերը,
 Պէտքական մարդիկը մէջ տեղից վերցրին,
 Գիշակեր դայլերին կրկէսներ բաց արին:
 Հոյակապ ու շքեղ Աստուծոյ տաճարներ,
 Զարաշար պղծելով արեցին ողջ աւեր,
 Լի հարուստ կրպակներ, լի ու շէն Հայ տներ,
 Սրբեցին ամբողջը դարձրին իրանց կեր:
 Վարդապետ, բանանայ, ոչ մի տեղ չը թողին,
 Բոլորին սոսկալի տանջանքով մեռցրին,
 Հայերից շատերին խեղդամահ արեցին,
 Շատերին գերթ ոչխար սրերով մորթեցին:
 Հարսներից սիրունին մտցրին հարէմներ,
 Օրիորդ կոյսերին լափեցին գերթ գայլեր,
 Մեծերին, փոքրերին բնաջիջ արեցին,
 Մնացած Հայերին դէպ նինուէ վարեցին:
 Ռազմագէտ Նիկոլայ Փոխարքայն Կովկասի,
 Շուտ հասաւ ռազմաբէմ օգնութեան զօրքերին,
 Ներշնչեց բոլորին կեանքի շունչ և հողի,
 Որ յախուռն քաջութեամբ սե բերեն Գիւրգերին:
 Անդրանիկն, ու Սեպուհ, և Դրօն ու Քեռին,
 Հայերի քաջերից նոր խմբեր կազմեցին,
 Ռուս հերոս, զօրքի հետ, դէպ յառաջ խաղացին,
 Զարդեցին, փշրեցին ողջ Հայքին տիրեցին:

Կեցցէ միշտ, Իսքնակալ մեր Կայսրը Ռուս ազգի,
 Կեցցէ միշտ, մեր հզօր Փոխարքայն Կովկասի,
 Կեցցեն միշտ, մեր պաշտպան Ռուս զօրքը պանծալի,
 Կեցցեն և, Հայ խումբը պարգեւրես ու արի:

Անդրանիկի խրախոյսը

Եկէք քաջեր զինավառուած,
 Վազենք ի դաշտ պատերազմի,
 Մեր մարդախանձ հրացան առած,
 Կարկուտ թափենք որոտալի:

Թէ շուտ, թէ ուշ պէտք է մեռնինք,
 Հապա քաջեր արիանանք,
 Պատուով ապրինք փառքով մեռնինք,
 Տաճկահային փրկիչ դառնանք:

Մեզ վիճակուեց վրէժ առնել,
 Մեր դարաւոր բիրտ ոսոխից,
 Ահա ժամ է պէտք է հնձել,
 Անդուսպ Գիւրգերն բոլոր կողմից:

Արդ, զարկեցէք կոտորեցէք,
 Մի խնայէք մեծին փոքրին,
 Զարդրեցէք աւերեցէք,
 Մի զանց առնէք և ոչ մէկին:

Խնայելու ժամն անցել է,
Հայի պատուի վրէժն առնենք,
Վրէժ է վրէժ, վրէժ լուջենք՝
Արիւնի գետ յորդեցնենք.

Հաւատարիմ կենանք Աստծուն,
Հաւատարիմ Ռուսաց Կայսեր,
Այնուհետեւ Քիւրդի արիւն,
Անյապ լափենք մենք մանկահեր:

Սուրը ձեռքին բռնող Քիւրդին,
Սուրը խլենք խրենք սիրտը,
Խաղաղ ապրող Թուրքին Քիւրտին,
Պատուով պահենք չը տանք ձեռք:

Հայի անուան պատիւ բերող,
Ազնուութեամբ առիւծանանք,
Վատին՝ պատիժ, լաւին օգնող,
Որով յաւէտ մենք պարծենանք,

Հապա ջնջենք Քիւրտ գայլերին,
Հերիք լափեն մեր ծով արիւն,
Յետոյ ուրախ գոռանք գոչենք,
Տաճկահային աղատութիւն:

Հայ մանուկի անօթքը

Դու ես իմ յոյս. ով իմ Աստուած
Մանկութեանս օրերում,
Սուրբ հաւատս հաստատ պահիր
Կեանքիս ամբողջ ընթացքում.

Դու ես իմ յոյս. ով իմ Յիսուս
Իմ պատանի հասակում.
Երջանկութեան փայլուն յոյսս
Անշեղ պահիր իմ հոգում:

Դու ես իմ յոյս ով իմ Փրկիչ
Ծերութեանս տարիքում,
Քաղցր տեսքիդ անոյշ սէրը
Անշեղ վառիր իմ սրտում:

Ո՞վ իմ Աստուած տոբ ինձ շնորհ
Որ ուսումս աւարտեմ.
Հայի վերայ չար խորհողի
Սիրտը բարին հաստատեմ:

Խղճուկ ազգիս կարիքների
Ամեն մէկին աշխատեմ.
Քաղաղ կեանքի շունչ ու հոգի
Գլխիս գնովը հասցնեմ:

Յետոյ ով տէր պարզ երեսով
Մաքուր սրտով ծունկ չոքեմ.
Հոգուս խորքից յուզուած սրտով
Փնփռ քեզ Աստուած փնփռ գոչեմ:

«Հայր մեր»

Մեր Հայր, որ Դու երկնքումն ես,
Թուրքի վատից ազատիր մեզ,
Թող սուրբ լինի Բո վեհ Անուն,
Քրաի հոգից սրբիր մեր տուն:

Էրնէկ գայ Բո արքայութիւն,
Որ տայ մեզ միշտ խաղաղութիւն,
Լինի քաղցր Բո սուրբ կամօք,
Որ զուր անցնի չարի ջանքը:

Ամէն օր էլ մեզ տուր մեր հաց
Խաղաղանքից մեզ պաշտպան կաց
Թող մեզ հով Տէր, մեր շատ պարտքեր,
Մենք միշտ թողինք շատի պարտքեր:

Մի տանիր մեզ փորձութեան մէջ,
Անգութ մարդկանց թակարթի մէջ,
Ժամ է փրկիր նենգ ազգերից,
Մեզ խաբելով ջնջողներից:

Որովհետեւ դու ես մեր Տէր,
Դու մեր պաշտպան մեր Յոյս և Սէր,
Ուստի մենք էլ Բեզ միշտ կօրհնենք,
Մրաի խորքից փառք կը ձօնենք:
Գրիգոր առաջ քահանայ Մ անդակունի



ՀՀ Ազգային գրադարան



NL0348958

ԳՐԻԳՈՐ ԱԽԱԴ ՔԱՀ. ՄԱՆԴԱԿՈՒՆՈՒ

Աշխատասիրութիւնները

Ռ. 4.

1. Խորհրդածութիւն զովոր Նելսըն Ամերիկացւոյ և յաւելումներ (սպառ.)	2	—
2 Ս. Գրոց հին ուխտի պատմութեանց ընդարձակ աշխարհաբար լուսարանութեանը և աշխարհի անցքերով. էջ 915	2	50
3. Ոսկի բարեկամ Հայ ընտանեաց, երրորդ տպ. 70 պատկերներով, էջ 904 (սպառուած):	5	—
4. Կանոնադրութիւն Տփլիսի հայ քահանաների միաբանու. (քննադատելի) (սպառուած)	—	10
5. Դրախտի Մարգարիտներ, 1 պատկ. (սպառ.)	—	25
6. Դիւան Տփլիսի Հայոց եկեղեցիների	—	55
7. Չգուանքներ	—	20
8. Մաշտոց-Մեսրոպյը Հայոց տառերի և տպագրութեան գիտը և սկզբնաւորութիւնը մեր ազգի մէջ. (սպառուած)	—	10
9. Ոսկի-բարեկամ Դ. տպ. 334 պատկերներով, էջ 1414	5	—
10. Հանրամատչելի բժշկարան մարմնի վերբերի և հիւանդութիւնների	1	—
11. Գրիգոր լուսաւորիչ	—	50
12. Չարմանալի տեսիլ	—	10

ԳԻՆՆ Է 10 ԿՈՊԷԿ

41826